




Minggu, 11 Oktober 2020
Ogen: Pengerana 7:1



NGERGAKEN WARI KETUBUHEN



Salah sada kebiasaan si rusur ilakoken gundari eme perayan ulang tahun. Potong kue, tiup lilin, mindo bas toto lanai anak-anak ngenca tapi pe orang tua, nini bulang pe ibahan peringetten wari ketubuhenna. Kitab Pengerana sendah nuriken maka wari kematen ulin asangkan wari ketubuhen, kai nge maksudna? Payo memang adi bas kalak Kristen maka wari kematen e tanda menaken kegeluhen si terulin, tapi labo e jadi sada alasan maka la si akap meherga wari ketubuhen e. Sabap adi kematen maba kita ku kegeluhen si rasa lalap, ketubuhenta i doni enda me dalan si pemenana kal.

Ketubuhenta i doni enda, sope lenga kai pe banci silakoken enggo mereken keriahen ras nambahi dolat daging si mupus kita, ngkuhisa nge kepe geluhta i bas beligan temanna arih. Sanga bas bertin nandeta nari pe kita enggo irancangken Dibata si mehuli man doni enda arah kita. Wari ketubuhenta eme pernyataan Tuhan man doni enda kerna keleng ateNa. Kita me kari anak-anak si iselamatkanNa si isehkenna arah ketubuhen anak manusia si jadi persuruhanNa i doni enda. Ise e? Payo, Tuhan Jesus. Kam ras aku bagepe i bas ketubuhen persadan-persadan kalak Kristen termasuk pe Persadan Moria GBKP itetapkenNa guna iselamatkan.

Emaka ngerayaken wari ketubuhen maknana kita ngergaken wari ketubuhenta, mperingetti kerna keleng ate Dibata man banta, man sekelewetta bagepe doni enda. Wari ketubuhen e tandana kita atan ngaloken keselamatan i bas Jesus Kristus nari. Janah pe ningetken kita kerna dahinta i doni enda eme maba berita keselamatanen e man sekelewetta. Em sura-sura Dibata namaken kita ku doni enda. Keselamatanen e i bas erti empekana-kena ingannta tading gelah sikap akap kerina tinepe si ringan i je. Njadiken kalak si deban jadi teman arih, radu ras mpekana-kena tinepa, dengen nggeluh si sampat-sampaten gelah kerina kita radu megegeh. Bageme i bas ulang tahun Moria GBKP kita idilo mpekana-kena lingkungenta, mpekana-kena hubungenta sada ras sidebanna gelah tetap mehuli.